



ՀԱՅԱՍՏԱՆԻ ՊԵՏԱԿԱՆ  
ՏՆՏԵՍԱԳԻՏԱԿԱՆ  
ՀԱՄԱԼՍԱՐԱՆ

ՍԱՏՆԱԳԻՏԱԾՈՒՄ • ՓՈՐՁ • ՀՆԱՐԱՎՈՐՈՒԹՅՈՒՆ

## Ռեկտոր Կորյուն Աթոյանի շնորհավորական ուղերձը՝ Երիտասարդության և Ուսանողության միջազգային տոների առիթով

Միբելի ուսանողներ, արդեն մի քանի տարի է, նոյեմբերի 10-ին և 17-ին մեր հանրապետությունում նշվում են Երիտասարդության և Ուսանողության միջազգային օրերը:

Երիտասարդությունը, և նրա կազմում ուսանողությունը, հասարակության ամենաառաջադեմ, ամենակառուցողական հատվածն է, երկրի ու պետության ներուժը: Եվ որքան լավատես, ստեղծարար ու հայրենասեր է երիտասարդությունը, այնքան շեն ու լուսավոր է երկրի վաղվա օրը:

Երիտասարդությունը, հիրավի, ուժ է, զարգացում, և նրա ներկայացուցիչները պետք է քաջ գիտակցեն իրենց դերակատարության կարևորությունը: Հայ երիտասարդն այսօր ամենուր է. նա ուսանող է, զինվոր, աշխատակից և անգամ ղեկավար:

Յուրաքանչյուր ոլորտ, յուրաքանչյուր մասնագիտություն իր առանձնահատկություններն ունի, հաջողության ու առաջընթացի ճանապարհը դյուրին չի տրվում, ուստի ուսանողությունը, երիտասարդ սերունդը, կենսական հզոր լիցքերով ու երազանքներով լեցուն իրենց «ծաղիկ հասակը» պետք է ծառայեցնեն լավ կրթություն ստանալուն, զարգանալուն, հասարակության լիիրավ ու գործուն անդամ, հայրենիքը սիրող ու նրան ծառայող զավակ լինելուն:

Մեր համալսարանում ուսանում են այսօրվա երիտասարդության փայլուն ներկայացուցիչներ, որոնք խելացի են, ուշիմ, աշխատասեր, ձգտող, որոնց կարելի է անվերապահորեն վստահել մեր վաղվա օրը, մեր հայրենիքի ապագան: Եվ սա համալսարանի ղեկավարի ու գիտնական-մանկավարժի համար երջանկության ու հպարտության առիթ է:

Միբելի ուսանողներ, ձեզանից յուրաքանչյուրը անհատականություն է, բայց բոլորդ միասին մի գորեղ հավաքականություն եք: Ես ցանկանում եմ ձեր անձնական երջանկությանը, կայացմանն ու առաջխաղացմանը գուզընթաց տեսնել ձեր հավաքականության ուժը, որը կարող է դառնալ մեր նոր վերելքների պատվարը:

Շնորհավորում եմ ձեզ: Եղեք առողջ, եռանդուն, ձեր կյանքը հարստացրեք գիտելիքով, բազմազան հետաքրքրություններով ու ստեղծագործ աշխատանքով: